



Broj: 07-11-1100/21
Vogošća, 26.10.2021. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 26.10.2021. godine donio je

ODLUKU
O IZBORU NAJPOVOLJNIJEG PONUĐAČA ZA IZVOĐENJE RADOVA NA IZGRADNJI I
REKONSTRUKCIJI VODOVODNE MREŽE U NASELJU DONJI HOTONJ, POTEZ DŽAMIJA-
SRC SPORTA HOTONJ (OBUHVAT ULICE RAMIZA GUGAČA-RAMIZA ALIĆA-DONJI
HOTONJ IV I PRIPADAJUĆE ULICE)

Član 1.

Ponuda ponuđača "Hidrom" d.o.o. Vogošća, ulica Naselje Rosulje-Nova Vogošća blok 11, odabrana je za izvođenje radova na izgradnji i rekonstrukciji vodovodne mreže u naselju Donji Hotonj, potez džamija-SRC Sporta Hotonj (obuhvat ulice Ramiza Gugača-Ramiza Alića-Donji Hotonj IV i pripadajuće ulice), kao prvoplasirana na Rang listi, sa ponuđenom ukupnom cijenom nabavke u iznosu od 597.766,40 KM bez uračunatog PDV-a, odnosno 699.386,68 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 08.07.2021. godine donio Odluku o pokretanju Otvorenog postupka nabavke radova na na izgradnji i rekonstrukciji vodovodne mreže u naselju Donji Hotonj, potez džamija-SRC Sporta Hotonj (obuhvat ulice Ramiza Gugača-Ramiza Alića-Donji Hotonj IV i pripadajuće ulice), zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 12.07.2021. godine pod brojem: 1353-1-3-130-3-97/21. Sažetak Obavještenja o nabavci objavljen je u "Službenom glasniku BiH" broj: 44/21 od 16.07.2021. godine.

Tendersku dokumentaciju sa Portala javnih nabavki BiH je preuzelo 17 (sedamnaest) ponuđača.

Krajnji rok za dostavu ponuda bio je 29.09.2021. godine do 12:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 29.09.2021. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-1100/21 iz jula 2021. godine i Izmjeni TD broj: 07-11-1100/21 iz septembra 2021. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 4 (četiri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Mibral" d.o.o Sarajevo	665.490,25	/	/	778.623,59
2	"Ted invest" d.o.o Sarajevo	671.956,53	5%	638.358,71	746.879,69
3	"Hidrom" d.o.o Vogošća	597.766,40	/	/	699.386,68
4	"Harysco" d.o.o Sarajevo i "Instel" d.o.o. Bijeljina	646.324,72	/	/	756.199,92

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

I. Ponuda ponuđača "Ted Invest" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 8.2.1.TD a u skladu sa članom 58. Zakona, propisano je da Ponuda mora da sadrži sljedeće elemente i to između ostalih:
 - obrazac za cijenu ponude, sačinjen i popunjen u skladu sa šemom koja je data u Aneksu 2. tenderske dokumentacije, ovjeren i potpisan od strane ponuđača. U Aneksu 2. – obrazac za cijenu ponude – na strani 10. Ponude ponuđača "Ted Invest" d.o.o. Sarajevo, stavka 2.7. za Krak 1 jedinična cijena nije vidljiva tj. u navedenoj koloni došlo je do preklapanja upisanih brojeva, te Komisija za javne nabavke nije mogla ocijeniti o kojoj jediničnoj cijeni se radi. Također, tačkom 8.4.1.TD je jasno propisano da se Ponuda izrađuje na način da čini cjelinu i ista mora biti napisana neizbrisivom tintom. Ispravke u ponudi moraju biti izrađene na način da su vidljive i potvrđene potpisom ponuđača, uz navođenje datuma ispravke, što u ovom slučaju nije urađeno. Agencija za javne nabavke BiH u svom mišljenju broj: 04-02-1-4-2/19 od 07.01.2019. godine, a koje se odnosi na primjenu člana 18. stav 1. Uputstva za pripremu modela tenderske dokumentacije i ponuda ("Službeni glasnik BiH", broj 90/14 i 20/15) navodi da je ponuđač "dužan da pazi da ispravka bude vidljiva, npr. ispravku izvršiti vodoravnim precrtavanjem upisa u toj rubrici i unošenje ispravnog teksta u slobodni dio rubrike uz obavezno stavljanje datuma ispravke i potpisom ponuđača. Potvrđivanje ispravke od strane ponuđača mora biti izvršeno potpisom ponuđača i datumom ispravke, u suprotnom, izgubio bi se smisao autentičnosti i vjerodostojnosti same ispravke".

Također, praksa Ureda za razmatranje žalbi BiH po pitanju ispravki greški bez potpisivanja i navođenja datuma kada je vršena ispravka, u Rješenjima broj:

- JN2-03-07-1-1261-8/16 od 12.01.2017. godine,
- JN2-01-07-1-803-8/17 od 18.01.2018. godine,
- JN2-02-07-1-628-6/17 od 01.02.2018. godine i
- JN2-02-07-1-520-7/17 od 02.04.2018. godine

je da su ispravke koje nisu potvrđene potpisom i datirane bile razlog za odbijanje ponuda kao neprihvatljivih.

Na osnovu iznesenog, a uz uvažavanje gore citiranog mišljenja Agencija za javne nabavke BiH kao i prakse Ureda za razmatranje žalbi BiH, Komisija za javne nabavke smatra da je ponuđač "Ted Invest" d.o.o. Sarajevo postupio suprotno odredbi člana 18. stav 1. Uputstva za pripremu modela tenderske dokumentacije i ponuda, te je stoga predmetna ponuda kao takva neprihvatljiva za ugovorni organ.

II. Ponuda Grupe ponuđača "Harysco" d.o.o. Sarajevo i "Instel" d.o.o. Bijeljina ne ispunjava formalno-pravne uslove tražene Tenderskom dokumentacijom i to:

- Tačkom 8.2.1.TD a u skladu sa članom 58. Zakona, propisano je da Ponuda mora da sadrži slijedeće elemente i to između ostalih:
 - Obrazac za cijenu ponude, sačinjen i popunjen u skladu sa šemom koja je data u Aneksu 2. tenderske dokumentacije, ovjeren i potpisan od strane ponuđača. Također, tačkom 8.4.1.TD je jasno propisano da se Ponuda izrađuje na način da čini cjelinu i ista mora biti napisana neizbrisivom tintom. Ispravke u ponudi moraju biti izrađene na način da su vidljive i potvrđene potpisom ponuđača, uz navođenje datuma ispravke.

Grupa ponuđača "Harysco" d.o.o. Sarajevo i "Instel" d.o.o. Bijeljina je u svojoj Ponudi Aneks 2. – Obrazac za cijenu ponude – na strani 21. u stavci 6.4. za Krak 2 u koloni ukupno izvršila ispravku iznosa na način da je upisana cijena prepravljena tj. podebljana te Komisija za javne nabavke nije mogla ocijeniti o kojoj cijeni se tačno radi.

Agencija za javne nabavke BiH u svom mišljenju broj: 04-02-1-4-2/19 od 07.01.2019. godine, a koje se odnosi na primjenu člana 18. stav 1. Uputstva za pripremu modela tenderske dokumentacije i ponuda ("Službeni glasnik BiH", broj 90/14 i 20/15) navodi da je ponuđač "dužan da pazi da ispravka bude vidljiva, npr. ispravku izvršiti vodoravnim precrtavanjem upisa u toj rubrici i unošenje ispravnog teksta u slobodni dio rubrike uz obavezno stavljanje datuma ispravke i potpisom ponuđača.

Potvrđivanje ispravke od strane ponuđača mora biti izvršeno potpisom ponuđača i datumom ispravke, u suprotnom, izgubio bi se smisao autentičnosti i vjerodostojnosti same ispravke".

Također, praksa Ureda za razmatranje žalbi BiH po pitanju ispravki greški bez potpisivanja i navođenja datuma kada je vršena ispravka, u Rješenjima broj:

- JN2-03-07-1-1261-8/16 od 12.01.2017. godine,
- JN2-01-07-1-803-8/17 od 18.01.2018. godine,
- JN2-02-07-1-628-6/17 od 01.02.2018. godine i
- JN2-02-07-1-520-7/17 od 02.04.2018. godine

je da su ispravke koje nisu potvrđene potpisom i datirane bile razlog za odbijanje ponuda kao neprihvatljivih.

- Grupa ponuđača "Harysco" d.o.o. Sarajevo i "Instel" d.o.o. Bijeljina je u svojoj Ponudi (strana 24-25. Ponude) dostavila Ugovor o konzorciju između "Harysco" d.o.o. Sarajevo i "Instel" d.o.o. Bijeljina, međutim predmetni Ugovor nije potpisan od strane Direktora "Harysco" d.o.o. Sarajevo, isti je samo ovjeren pečatom.
- Grupa ponuđača "Harysco" d.o.o. Sarajevo i "Instel" d.o.o. Bijeljina je u svojoj ponudi (strana 98 i 99 Ponude) dostavila Ugovor o poslovno – tehničkoj saradnji sa "EKO TEH" d.o.o. Sarajevo za angažovanje VKV tesara i VKV zidar-fasader-izolater, ali uz isti nije dostavljena Lista osiguranih lica za firmu "EKO TEH" d.o.o. Sarajevo, a kako bi Komisija za javne nabavke mogla ocijeniti da su lica iz Ugovora u radnom odnosu predmetne firme.
- Grupa ponuđača "Harysco" d.o.o. Sarajevo i "Instel" d.o.o. Bijeljina je u svojoj Ponudi (strana 103. Ponude) kao dokaz da posjeduje/ima na raspolaganju teretno vozilo – kamion kiper, dostavila ovjerenu kopiju Potvrde o registraciji AA 2872922 iz koje je

Komisija za javne nabavke utvrdila da predmetno vozilo nije registrovano tj. registracija vozila je istekla dana 29.10.2020. godine.

- U svojoj Ponudi Grupa ponuđača "Harysco" d.o.o. Sarajevo i "Instel" d.o.o. Bijeljina je dostavila (strana 142-146. Ponude) Nacrt Okvirnog sporazuma popunjen, potpisan i ovjeren pečatom ponuđača (Aneks 7) ali u članu 4. predmetnog Nacrta je izvršena ispravka datuma na način da je preko ranije upisanog broja upisan novi broj, bez potpisa ponuđača i bez datuma izvršene ispravke.
Agencija za javne nabavke BiH u svom mišljenju broj: 04-02-1-4-2/19 od 07.01.2019. godine, a koje se odnosi na primjenu člana 18. stav 1. Uputstva za pripremu modela tenderske dokumentacije i ponuda ("Službeni glasnik BiH", broj 90/14 i 20/15) navodi da je ponuđač "dužan da pazi da ispravka bude vidljiva, npr. ispravku izvršiti vodoravnim precrtavanjem upisa u toj rubrici i unošenje ispravnog teksta u slobodni dio rubrike uz obavezno stavljanje datuma ispravke i potpisom ponuđača.
Potvrđivanje ispravke od strane ponuđača mora biti izvršeno potpisom ponuđača i datumom ispravke, u suprotnom, izgubio bi se smisao autentičnosti i vjerodostojnosti same ispravke.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da Ponude ponuđača:

- "Mibral" d.o.o. Sarajevo i

- "Hidrom" d.o.o Vogošća

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Tenderskom dokumentacijom-tačkom 9.4. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 66/16) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 22.10.2021. godine u 14:00 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 22.10.2021. godine, Komisija za javne nabavke je sačinila sljedeću Rang listu u Otvorenom postupku nabavke radova na izgradnji i rekonstrukciji vodovodne mreže u naselju Donji Hotonj, potez džamija-SRC Sporta Hotonj (obuhvat ulice Ramiza Gugača-Ramiza Alića-Donji Hotonj IV i pripadajuće ulice) kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Hidrom" d.o.o Vogošća	597.766,40	699.386,68
2	"Mibral" d.o.o Sarajevo	665.490,25	778.623,59

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Hidrom" d.o.o Vogošća, za izvođenje radova na izgradnji i rekonstrukciji vodovodne mreže u naselju Donji Hotonj, potez džamija-SRC Sporta Hotonj (obuhvat ulice Ramiza Gugača-Ramiza Alića-Donji Hotonj IV i pripadajuće ulice), kao prvoplasiranom na Rang listi, sa ponuđenom ukupnom cijenom nabavke u iznosu od 597.766,40 KM bez uračunatog PDV-a, odnosno 699.386,68 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo

Dostavljeno:

1. "Mibral" d.o.o. Sarajevo
2. "Ted Invest" d.o.o. Sarajevo
3. "Hidrom" d.o.o. Vogošća
4. "Harysco" d.o.o. Sarajevo
5. Nadležnoj Službi
6. U dosije
7. a/a

033/656-680
033/668-306
hidrom.doo@hotmail.com
033/590-852

